

e-Dinamik

MAJALAH DIGITALAKADEMIA UiTM CAWANGAN JOHOR

eISSN: 2682-7832



EDISI KETUJUH 2025



اَبُو سَيِّدِي سَيِّدِي سَيِّدِي سَيِّدِي سَيِّدِي
UNIVERSITI
TEKNOLOGI
MARA



PERUTUSAN REKTOR

Assalamualaikum warahmatullahi wabarakatuh,
Salam Sejahtera dan Salam UiTM Dihatiku.

Segala puji bagi Allah SWT kerana dengan izin-Nya, Majalah Digital Akademia UiTM Cawangan Johor, e-DINAMIK Edisi 2025 dapat diterbitkan dengan jayanya. Syabas dan tahniah diucapkan kepada seluruh sidang editorial atas komitmen, ketekunan, dan dedikasi dalam memastikan penerbitan ini terus menjadi wadah intelektual yang bermakna.



Penerbitan e-DINAMIK bukan sahaja berfungsi sebagai medium dokumentasi hasil penulisan ilmiah, kreatif dan penyelidikan, malah menjadi platform penting bagi warga akademia untuk menyalurkan idea, pandangan, dan dapatan kajian dalam pelbagai bidang. Edisi kali ini tampil lebih segar dengan isu-isu semasa yang menyentuh pelbagai aspek global yang kian kompleks.

Saya percaya usaha ini mampu memperkukuh budaya penulisan akademik dalam kalangan pensyarah serta menyemarakkan amalan perkongsian ilmu merentasi sempadan disiplin. Melalui inisiatif ini juga, diharapkan lebih ramai pensyarah dan penyelidik dapat melangkah ke tahap yang lebih tinggi dalam menghasilkan penerbitan berimpak serta berindeks antarabangsa.

Sekalung penghargaan ditujukan kepada Timbalan Rektor (Penyelidikan dan Jaringan Industri) bersama pasukan editorial yang sentiasa konsisten memastikan kesinambungan penerbitan e-DINAMIK dari tahun ke tahun. Semoga majalah ini terus menjadi sumber inspirasi, rujukan dan motivasi kepada seluruh warga UiTM serta pembaca di luar sana.

Akhir kata, saya berharap e-DINAMIK 2025 ini akan terus menjadi medan ilmu yang dinanti-nantikan setiap tahun. Semoga segala usaha ini diberkati dan memberi manfaat buat semua.

Sekian, terima kasih.

PROFESOR MADYA DR. SAUNAH ZAINON

Menjalankan Fungsi Rektor
UiTM Cawangan Johor

Assalamualaikum warahmatullahi wabarakatuh dan Salam Sejahtera,

Alhamdulillah, setinggi-tinggi kesyukuran dipanjatkan ke hadrat Allah SWT kerana dengan izin dan rahmat-Nya, penerbitan Majalah Digital Akademia UiTM Cawangan Johor, e-DINAMIK Edisi 2025 dapat direalisasikan.

Saya ingin merakamkan penghargaan yang tidak terhingga kepada Yang Berusaha Prof. Madya Dr. Saunah Zainon, Rektor UiTM Cawangan Johor, atas sokongan dan dorongan yang berterusan dalam memperkasakan budaya penulisan serta penerbitan akademik di UiTM Cawangan Johor. Sesungguhnya, e-DINAMIK telah menjadi wahana penting untuk menyalurkan idea, mengasah bakat serta mendokumentasikan pelbagai bentuk penulisan merangkumi karya, kreatif, laporan aktiviti dan isu semasa yang berkaitan dengan warga akademik.



Lebih daripada sekadar sebuah majalah digital, e-DINAMIK merupakan cerminan kecemerlangan akademik UiTM Cawangan Johor, selain membuka ruang yang lebih luas untuk mengetengahkan pencapaian, keterlibatan komuniti, serta perkembangan fakulti dan jabatan di Kampus Segamat dan Kampus Pasir Gudang. Saya percaya usaha ini juga dapat meningkatkan visibiliti universiti di persada negara mahupun antarabangsa.

Penerbitan ini tidak akan berjaya tanpa komitmen padu sidang editorial serta sumbangan para penulis yang dengan ikhlas berkongsi masa, tenaga, dan ilmu demi menjayakan hasrat murni ini. Saya amat berharap inisiatif sebegini dapat menyemarakkan lagi minat warga akademik untuk terus berkarya serta menghasilkan penulisan bermutu tinggi yang memberi manfaat kepada masyarakat.

Akhir kata, sekalung tahniah dan syabas kepada semua pihak yang terlibat dalam menjayakan penerbitan e-DINAMIK Edisi 2025. Semoga usaha ini berterusan dan menjadi sumber inspirasi kepada semua pembaca.

Sekian, terima kasih.



DR. FARIDAH NAJUNA MISMAN

Timbalan Rektor (Penyelidikan & Jaringan Industri)
UiTM Cawangan Johor



PENAUNG

Profesor Madya Dr. Saunah Zainon

PENASIHAT

Dr. Faridah Najuna Misman

PENYELARAS

Dr. Nur Fatihah Shaari
Dr. Noor Hidayah Ab Aziz

KETUA EDITOR

Aidarohani Samsudin

PENOLONG KETUA EDITOR

Dr. Fatin Farazh Ya'acob

EDITOR AKADEMI PENGAJIAN BAHASA

Zuraidah Sumery
Farhana Idris
Siti Aishah Taib

EDITOR AKADEMI PENGAJIAN ISLAM KONTEMPORARI

Munirah Zakaria
Mohamad Zaki Razaly
Dr. Muhammad Fahmi Md Ramzan



SIDANG REDAKSI

EDITOR JABATAN UNDANG-UNDANG

Norintan Wahab
Zuramaznum Sainan

EDITOR FAKULTI PENGURUSAN DAN PERNIAGAAN

Ainol Mardhiyah Rahmat
Che' Khalilah Mahmood
Dr. Nur Fatihah Shaari
Dr. Suhana Mohamed
Ferri Nasrul
Mohamad Azwan Md Isa
Muharratul Sharifah Shaik Alaudeen
Norfariza Mohd Ali
Rosmah Abd Ghani @ Ismail
Ruziah A. Latif
Siti Noorhaslina Abd Halim
Siti Nordiyana binti Ishak
Zaibedah Zaharum

EDITOR FAKULTI PERAKAUNAN

Ahmad Marzuki Amiruddin Othman
Juyati Mohd Amin
Nurru Ain Fauzi
Nursia Yuhanis

EDITOR FAKULTI SAINS GUNAAN

Dr. Saiful Najmee Mohamad



EDITOR FAKULTI PENGURUSAN MAKLUMAT

Azura Abdul Jamil @ Kamarudzzaman

Rohayu Ahmad

Siti Hasma Hajar Mat Zin

EDITOR FAKULTI SAINS KOMPUTER DAN MATEMATIK

Haslenda Yusop

Dr. Nur Syamilah Arifin

Dr. Wan Munirah Wan Mohamad

Noraisyah Abdl Aziz

EDITOR FAKULTI KEJURUTERAAN

Azyan Zafyrah Mohd Zahid

Dr. Wan Nur Fazlina Abdol Jani

Noorashiekin Khalid

Mazni Mat Zin

Nurrul Amilin binti Zainal Abidin

Nurulnatisya binti Ahmad


Ts. Dr. Siti Aminah Nordin

Ts. Muhammad Imran Ismail

REKABENTUK DAN GRAFIK

Shahrul Amir Bin Shaheran

Mohamad Hanif Bin Awaludin



PERANAN BIDALAN DALAM KEHIDUPAN ORANG MELAYU

Prof. Madya Dr. Mohd Halim Kadri

Bahasa Melayu sarat dengan keindahan seni bahasa, di antaranya bidalan yang diwarisi sejak turun-temurun. Ia bukan sekadar hiasan bahasa, tetapi alat nasihat, teguran dan teladan yang mencerminkan pengalaman serta kebijaksanaan orang terdahulu. Dalam kehidupan orang Melayu, bidalan berperanan sebagai panduan moral, pengukuh hubungan sosial, dan cerminan falsafah hidup. Menurut Kamus Dewan Edisi Keempat, bidalan ialah ayat atau ungkapan yang mengandungi nasihat, pengajaran atau peringatan berdasarkan pengalaman hidup. Ia berbeza daripada perumpamaan kerana lebih jelas memberi pedoman dan nilai moral. Bidalan digunakan untuk mendidik, menasihati dan menegur dengan cara berlapik. Ia juga menjadi “panduan hidup” agar manusia berakhlak mulia, rajin, berani dan rendah diri.

Di antara contoh bidalan ialah ada ubi ada batas, ada budi ada balas. Bidalan ini bermaksud setiap kebaikan akan mendapat balasan kebaikan, dan budi tidak akan dilupakan. Secara positif, ia menggalakkan masyarakat berbuat baik, menanam rasa syukur serta memupuk nilai balas budi yang mengharmonikan hubungan sosial. Secara negatif pula ia boleh menimbulkan sikap berkepentingan, rasa kecewa apabila kebaikan tidak dibalas, atau menjadi alasan untuk menuntut balasan daripada orang lain.

Bidalan kedua ialah alah bisa tegal biasa. Bidalan ini menekankan bahawa sesuatu yang sukar akan menjadi mudah apabila dibiasakan. Secara positif ia mengajar tabah menghadapi cabaran, meningkatkan disiplin, dan menegaskan kepentingan latihan berterusan. Pada sisi negatif pula ia boleh menjadikan keburukan dianggap normal, melahirkan sikap sambil lewa, serta mengurangkan kepekaan moral apabila terbiasa dengan amalan salah.

Bidalan ketiga ialah buat baik berpada-pada, buat jahat jangan sekali-kali. Ia menekankan bahawa kejahatan tidak boleh dilakukan langsung, manakala kebaikan harus dilakukan dengan berpada-pada. Ia memberikan pelajaran yang baik tentang cara berhati-hati, mengelak daripada perkara jahat, dan menjalani kehidupan yang sederhana. Sebaliknya, jika disalahfahami ia boleh mengurangkan keikhlasan, menyebabkan sikap berkira, dan mendorong untuk tidak melepaskan semua.

Biar putih tulang, jangan putih mata adalah bidalan keempat. Ia menunjukkan bahawa berjuang hingga akhir adalah lebih baik daripada menyerah kalah atau dimalukan. Secara positif ia membina semangat juang, melindungi maruah, dan menekankan kesetiaan dalam perjuangan. Namun, ia boleh menyebabkan keras kepala, menghalang kompromi, dan menyebabkan pertelingkahan yang berterusan untuk mempertahankan maruah.

Bidalan kelima, semakin berisi padi, semakin tunduk mengajarkan semakin berilmu dan kaya seseorang, semakin merendah diri. Ia mempunyai kesan positif, kerana menggalakkan kerendahan hati, mewujudkan keharmonian dalam masyarakat, dan memupuk keinginan untuk belajar dengan rasa syukur. Secara negatifnya, bidalan ini boleh dianggap sebagai kelemahan, menunjukkan sikap terlalu pasif, atau menyukarkan persaingan kerana ia tidak menonjolkan potensi diri.

Pada akhirnya, bidalan adalah warisan bahasa yang berfungsi sebagai nasihat, panduan dan peringatan kepada orang Melayu. Nilai balas budi, ketabahan, kesederhanaan, maruah diri dan kerendahan hati digariskan dalam lima bidalan yang dibincangkan.